

蒙古史略

霖縣黃慶瀾編

國史館藏書



0012919

639.3  
4403



國史館圖書

分類號 <sup>625</sup> ~~629.51~~

著者號 <sup>4403</sup> ~~1281~~

登錄號 5085



國史館藏書



0012919



自序

勝清一代 奄有蒙古 率多沿明旧制 其理藩院官  
司之守 章制多弗可據 矧帝王思想 亦羈縻勿絕  
而已 民國肇興 始重視邊陲 然內力未充 外力  
綦彊 國威日隳 民志未信 沈於今而和平統一之  
聲 弥漫全國 三民五權之郅治 庶幾日即於安全



一則磨古斯之紀載 殆為最感興味之一端 爰勿辭  
謏陋 哀輯是編 以供國人採擇焉 幸勿以斷爛朝  
報濺之 則厚幸已

民國二十年六月十日黃慶瀾箒孫識



蒙古史略

目錄

第一章 蒙古的起源

第二章 匈奴

第三章 蠕蠕

第四章 突厥



第五章 回紇

第六章 蒙古之建國

目錄

蒙古史略



# 蒙古史略

## 第一章 蒙古的起源

蒙古之地，其詳雖不可得聞，夷攷其建國之先，遠在成周以前，有山戎獯鬻獫狁等據其地，號游牧行國，無城郭宮室，處穹廬逐水草為生，以故都府疆域之制蕩然，其散見於諸書最與中國有關係者，秦





汗之際，曰匈奴，強盛，并沙漠南北而有之，

其幕庭設於今之喀尔喀——遞後汗，其地析為南北

單于，以次逖嬭為蠕蠕，為突厥，為回纥，為蒙古

，前後數千年間，興廢相續，皆以大漠為諸部之綱

維，中逮有唐，內蒙古之地，為鮮卑奚烏桓等種族

所有，外蒙古東部，又為薛延陀契丹等種族所有，



契丹興而建國曰遼；至清，其部落之大別有四，曰

漢南蒙古，曰漠北外蒙古，曰青海蒙古，曰內屬游

牧部。於是位置疆界，雖釐然確定，而伊古以來之

事蹟可詳攷者，僅元代以後！其在有元以前，邦土

分裂，各據一方，統屬全部者少，今奉匈奴以下著

名者，次及於蒙古，非深切著明於史上者，則省



之，又於現在蒙古各部，各揭其尸史，而以系統不同與獨立者，附記於其下。

## 第二章 匈奴

匈奴之先：自夏商淳維所出，淳維之在商也，窺北方而居之，厥後建國，遂号匈奴。周末，燕趙秦鼎立於西北，匈奴屢犯邊，趙孝成王命李牧備之，十



餘年間，匈奴不敢南近塞。遲至秦皇；命蒙恬北擊

胡，盡收黃河以南地，以河北陰山為塞，自九原—

—河套之西吳喇忒之地——至雲陽——山西省保德

府之地——開大道，依山設險，築城壁，連亘五百

餘里，其間斬削溪谷，橫斷山川，自臨洮——甘肅

省洮州地——而遼東，重關複隄，邊防備具，後人



因稱之曰萬里長城。當是時匈奴強而月氏——阿富汗之地——盛；匈奴之單于曰頭曼者，勢微不敵秦，北徙十有餘年，不敢犯邊塞，漢興雖有長城，而終不能備也。時：冒頡弒父頭曼而自立，勢強甚，東滅東胡；西走月氏，南併樓煩白羊河南——山西省及鄂爾多斯之地——之地，侵略燕代，——直隸及



山西之地——悉奪蒙恬所恢復匈奴故道，卷甲南下

，駸駸與諸夏為敵。單于以孛鞞為姓；其國人稱之

曰撐犁孤塗單于，始設官，置左右賢王，左右谷蠡

，左右大將。左大將，居東部，領上谷——直隸宣

化府之地——以東之地，東接濊貊——滿洲之東部

及朝鮮之北部——朝鮮等。右大將，居西部，領上



郡——陝西省之地——以西之地，西接氏羌，青

海之地，而單于之庭，仍在雲中代郡，——山西大

同府歸化城土默特等地——各領分地，逐水草轉徙

，嘗率衆圍馬邑；汗高自將擊之，敗績白登城，被

圍者七日，卒結和親之約，僅以身免，是時汗始平

定天下，智勇如林，猶不免挫衄，匈奴之盛可知已



武帝銳志復仇；因命衛青出雲中，取河南地，置

朔方，河套以北鄂尔多斯部之地，五原，賀

蘭山之北，二郡，又城朔方，修秦時所築塞，因

黃河以固邊防，復令霍去病出隴西，甘肅省之地

——北走二千里，過居延，甘肅省之地——攻祁

連山，徙朔方貧民，使處匈奴所奪河南地以實之，



号曰新秦中，而外患少紓矣。其後衛青再出定襄——

——鄂尔多斯部之东北和林格尔之地——遮絕沙漠來

路，單于遂率壯騎數百，向西北方遯走，霍去病出

代郡追之，殆二千餘里，至狼居胥山——外蒙古之

地——臨瀚海而還，而匈奴之左賢王亦遁去，自是

漠南無單于庭 所有河套以西，由朔方至今居——



甘肅省平番縣之地——往往開鑿溝渠以供灌溉之用，置屯田官卒數萬，欲以蠶食匈奴之地，無何：匈奴大亂，五單于爭立，互相攻伐，無暇犯邊，邊塞於以稍安。是時呼韓邪單于之子况左賢王呼屠吾斯者，自立為單于，稱郅支骨都侯，勢最强，攻呼韓邪，破走之，奪其地，都其庭，呼韓邪自知不敵，遂



款五原塞——內蒙古吳喇忒之地——降於汗，漢以  
殊禮遇之，留月餘而使歸國，單于自請願留居先  
祿塞下，當此時：郅支既稱單于，雖奪呼韓之地，  
而慮其種民之不附己，難以為治，乃決意西征，西  
破堅昆——厄爾齊斯河之下游——北降丁零，——貝  
加爾湖之北部——數遣兵擊烏孫，——自俄領舍密列



真司克至伊犁近傍之地——勝之，鄯支留都之，其

後呼韓邪歸故地，部衆稍附，鄯支恐其襲擊也，欲

遠去，會康居王數為烏孫所困，因遣使昆堅，迎鄯

支單于，遂引兵而西至康居——自西尔河中流至阿

拉尔海之地——漢建昭三年——西紀元前三十六年

——西域都護甘延壽，以陳湯為副都護，發兵至康



居，使誅郅支，呼韓邪且喜且懼，上書請復入朝，  
欲罷汗之邊備。上谷以西至燉煌為堡塞之守護，武帝  
令下有司議之。郎令侯應曰：「北境之邊塞，外有陰  
山，東西亘數百里，草木茂盛而禽獸最多，冒頓單  
于依阻其中，作弓矢以為寇，先帝出師征伐，終奪  
此地，攘匈奴于漠北，建塞徼，起亭隧，築外城，



設屯戍以守之，然後邊境得以少安者，因匈奴失陰  
山之險，無駐足之地也，邊民言匈奴失陰山後，過  
之未嘗不哭，如罷備塞之戍卒，實示匈奴以大利者  
也，不可許，漢帝納之。蓋陰山以北，皆沙漠數百  
里，閒無觸目者，遇有戰事，登高瞰下，則虜在目中  
，無所隱蔽，兵法之所必爭也！及王莽篡位，更單



于田印文匈奴單于之璽曰，新匈奴單于之章，單于  
始求稅於烏桓——內蒙古阿祿科爾沁之西北——王  
莽不之許，釁由是生！都護但欽上言：欲襲擊匈奴  
諸國。王莽大怒，議出十道兵並攻單于，北邊騷動  
，迄無寧歲，後汗光武帝時，有蒲奴者立為單于  
，會匈奴連年患旱蝗，赤地數百里，其從父兄比密



遣人於汗，獻匈奴地圖，求內附，八部之大人共

立比密為呼韓邪單于。其大父嘗以內附安寧之故；

欲襲其号，來五原塞，以永為屏藩捍禦北虜為請，

於是匈奴始分為南北二部，各有單于領之，南單于

居雲中，北單于出騎擊敗之，汗復徙之於西河之美

稷——山西汾州等地——永平十六年——西紀元七



十三年——大發沿邊兵征匈奴，當是時：北單于已  
衰耗，其種民皆離散，而南單于攻其前，丁零寇其後  
，鮮卑擊其左，西域侵其右，四面受敵，不能自立  
，加以饑蝗降者，前後相續，南單于乘機討伐，遂  
破其南部，併其地。永元元年——西紀元八九年——  
以耿秉為征西將軍，竇憲為車騎將軍，率南單于



衆出朔方，擊北單于，大敗之。二年，南單于復破  
之，北單于由是率輕騎數十遁走，不知所之，其弟  
右谷蠡王，因自立為單于，將千人，止蒲類海，——

新疆之巴尔庫爾——遣使款塞，大將軍竇憲以塞北  
地空，欲結恩北虜，乃上書置中郎將領護，欲倣南  
單于故事，會憲被誅，乃自叛還北，漢帝遣任尚追



斬之，其衆破滅。是時方修朔方以西邊塞，鮮卑因

而數數寇南部，單于上言欲求復邊塞，乃增置沿邊

諸郡兵，使屯列於塞下，永建中：去特若尸逐就單

于，立左部白龍吾斯等，背叛而寇西河 雖非單于

所預知，以不能制下，遣漢將逼之使自殺白龍吾斯

等，即立白龍王車紐為單于，東引烏桓 西煽羌戎



及諸胡等，侵掠并——山西大原府之地——涼——

甘肅平涼府之地——幽——直隸順天府之地——冀——

——直隸冀州——四州，呼蘭若尸逐就單于兜樓儲

，先在京師，汗即立為單于，使中郎將護送歸國。

建康初：中郎將馬實，募刺客使殺白龍吾斯 送其

首洛陽，更進擊其餘党，烏桓七十餘萬口皆降！



汗中平五年——百八十八年——右部之醯落與休屠之  
各部十餘萬人反而攻殺單于，其子右賢王於扶羅立  
，國人以其為殺父者，遂不服。更立須卜骨都侯為  
單于。於扶羅自詣汗都訟之。令靈帝崩，天下大亂  
，內憂紛起，未遑廉顧，於扶羅雖欲復歸國，以國  
人不容，乃止於河東之地，須卜骨都侯為單于，僅



一年而死，於是南單于遂虛其位，由是漠南無單于。

汗與平二年——百九十五年——於扶羅死 弟呼厨泉

立為單于，然以逐兄故不得歸國，曹操惧其在內地  
部衆多後必為寇，始分其種族為五部，而立其中權  
有力者，為五部之帥，選汗人為司馬，使監督之，

晉武帝初 塞外匈奴大水寒呢黑難等率部落萬餘人



歸化，令居河套以西地，太康七年——二八六年——

——匈奴種屬大小十餘萬未降，並撫納之，元康之末

，劉淵與於左國城，劉淵者，南匈奴之後冒頓十九

世之孫也，以其先世為汗之甥，遂冒汗姓，父劉豹

，為左部帥，生劉淵，幼而雋異，博習經史，姿貌

魁偉，及長兼學武事，既而為北方都尉，五部豪傑



多附之，及大都督成都王穎表為左賢王，遂叛僭大  
号，為五胡乱晉之始，按汗魏以來匈奴鮮卑之屬來  
降者，多安插於塞內諸郡，逮晉而擾亂中原所稱之  
胡，大抵皆此，故遺晉之禍者，實不可謂非始於汗  
魏也？！



蠕蠕初号柔然；後魏太武帝易其号曰蠕蠕，有木骨

高六代孫曰社崙者，兇狡有權變，度漠北，侵高車

——巴里坤之地——深入其地，遂併諸部而徙於弱

洛水，其西北匈奴餘種雖富强，盡為社崙所併，疆

域之廣；西有焉耆，——喀喇沙尔——東界朝鮮，北

渡沙漠，南臨大磧，其常会處，恆在燉煌——甘肅



省安西府——張掖——甘肅省甘州府——之北，小

國苦其寇虐羈縻，附之，於是自号為邱豆伐可汗，

數數騷擾北邊，後魏神鹿二年——四二九年——太

武帝率兵十餘萬襲之，其主大檀震怖，率屬焚盧舍

，絕路西走，部落四散，太武帝分軍搜討，東至瀚

海，西接張掖水，——甘肅之坤都倫河——北渡燕然



山，東西八百餘里，南北五百餘里，其種族先後歸  
附者三十餘萬，收其人戶畜產百餘萬。熙平之初；

其主醜奴善用兵，西征高車，大破之，盡併其諸部

叛者，國復強盛，醜奴死，阿那瓌立，其族兄俟里

發示發，率眾伐之，阿那瓌輕騎南走，歸於魏，封

朔方郡公，自阿那瓌降後，其從父兄俟力發婆羅門



率眾討侯里發示發破之，眾推侯力發婆羅門為主，

後侯力發婆羅門為高車所逐，率其部詣涼州，——甘

肅涼州——降於魏，蠕蠕因復迎阿那瓌歸，復其

位，尋：侯力發婆羅門謀叛，投於噉達——土耳其

斯坦之地——噉達部首長之三妻，皆侯力發婆羅門

之姊妹也，初阿那瓌欲復其國，事魏惟謹，明帝以



後，乘內地擾亂，不復稱臣，及齊受魏禪，阿那瓌  
為突厥所破，自殺，其子菴辰立，遂滅於突厥而  
國以亡！

#### 第四章 突厥

突厥之先；不詳所出，蓋匈奴別種也，以阿史那為  
姓，後魏末 其酋長帥土門之部落，稍強盛，始至



塞上，通中國，嘗發兵擊蠕蠕，大破之，遂自號為

伊利汗，其季子俟斤立，稱為木桿可汗，勇而多智

終務征伐，西破厥達，東走契丹，—外蒙古東部之

地——北併契骨，—尼也塞河上游——威服塞外諸

國！—東自遼東灣起西至阿拉尔海止一千餘里南至

沙漠以北達於北海數百里皆入其版圖——俟斤死，



捨其子大邏便而立其弟，是為他鉢可汗。他鉢卒，

部人立其子菴邏為嗣，大邏便心不服，每使人辱詈

之，菴邏不能制，部人相與議曰，四可汗之子攝圖

最賢，因迎立之為大可汗，号沙鉢略可汗 居都斤

山——外蒙古之地——菴邏居於獨洛水，稱第二可

汗，以大邏便為阿波可汗，還所部，使領之，既而



沙鉢略忌阿波可汗驍悍，因襲擊，大破其衆，阿波  
可汗西奔，投於達頭可汗，達頭可汗名玷厥，為沙  
鉢之從父，曰稱為西面可汗者也，既而命阿波可汗  
，率兵擊東沙鉢略可汗，由是突厥遂分東西二部，

互相侵掠，兵信不解，沙鉢略可汗，既為達頭可汗  
所困，又惧其乘東契丹之機，因遣使告急於隋，且



率所部度漢南，清止於白道川，——在歸化城之北陰

山山脈——隋廷許之，

沙鉢略可汗死

其子雍虞

閭立，是為頡伽施多那都藍可汗，時沙鉢略可汗之

子曰染干者，号突利可汗，居北方，遣使請婚於隋

，隋以宗女安義公主妻之，突利可汗因是得南徙於

都斤田鎮，雍虞闕可汗聞，懷不平，遂与玷厥率兵



攻染干，染干以五騎夜遁歸隋，隋拜染干為意利珍

豆啟民可汗，一在朔方，一陝西榆林府之西南凡三

十里——築大利城居之，部落歸者甚眾，雍虞閭又

擊之，遂遷河南，處夏勝二州，一陝西之東北境及

內蒙古鄂爾多斯等地——後雍虞閭為其屬所殺，啟

民遂併有其種民，大業三年，一六〇七年——煬帝幸



榆林——山西省保德州——啟民朝，帝親巡雲中，

沂金河，遂東北幸啟民居所，明年，啟民終，其子

吐吉立，是為始畢可汗，十一年，——六一五年——

八月：始畢率屬入寇，圍隋帝於雁門關，——山西省

雁門縣——會援兵至，即引去，隋末，天下大亂，汗

人多往依之，薛奉實建德王世充劉武周梁師都李軌



高開道之徒，皆稱臣受其可汗之号，於是东自契丹

室韋；一十二部在黑龍江之北——西至吐谷渾，一

甘肅之西北部——高昌，——喀喇和卓——諸國，皆

臣之，控弦百萬，號稱最勝，威唐興：使劉文靜靜聘突

厥，自是遂援為例，武德二年——六一九年——始

畢卒，其子室鉢苾以幼冲不能當大位，立為泥步設



，一官名——使居東部，即幽州之北立其弟俟利弗

設 是為處羅可汗，明年：處羅死，弟咄苾嗣，是

為頡利可汗 頡利始為莫賀咄，一官名——設牙於

五原——河套之地——之北，及薛奉陷平涼，與之

和，唐帝命光祿卿宇文歆往賂頡利，令絕薛奉，同

時五原太守張長遜，復以所部五城附之，是年處羅



之子郁射設，率眾萬戶，入居河套南部，以靈州——

——甘肅靈州——為塞，稍蠶食內地，又以頡利什鉢

莖為突利可汗，使居東部。七年，——六二四年——

頡利與突利並起兵內犯，自原州——甘肅省之地——

——連營而南，太宗討之，師次幽州，——直隸省順天

府——突厥以萬騎奄至，唐軍皆失色，太宗率百騎



馳突厥陣而告之曰：我無負於突厥，何為深入，我秦王也，請可汗自来，我當與決戰，不者，以兵馬總來，我唯以百騎相禦耳，頡利可汗笑而不答。太宗又馳騎至突利營，語之曰：曩我與盟，欲有急難則相救也，今以兵來，何無香火之情乎，宜早出決勝負，突利可汗亦不對。

頡利可汗見太宗率兵少，



疑有別謀，又聞其語，有戒心，遂遣使請和。貞觀

元年——六二七年——陰山以北，薛延陀回紇拔曳

固等十餘部落——色楞格河上游之地——皆相繼叛

，頡利遣突利討之，不勝，輕騎走還，頡利可汗怒

拘之，突利可汗由是怨頡利，欲背之，三年——六

二九年——頡利可汗遣使於唐，上言：與突利有隙



，欲請擊之，唐帝命秦武通以并州——山西省地——

——兵馬為之援，明年，薛延陀自稱可汗於漠北，遣

使詣唐，求貢方物，胡利可汗從此始內嚮稱臣。

唐帝命李靖擊馬邑，胡利可汗走，所屬九俟斤，以

部眾降，自是拔曳固僕骨同羅諸部及雷奚酋長等，

皆相率臣於唐，唐帝因大興師，命李靖出定襄道，



并州都督李世勣出通漢道，左武衛大將軍柴詔出金

河道，營州都督薛萬徹出暢武道，均受李靖節度，

皆師進討，突利可汗及郁射設蔭奈特勒等，皆率所

部降。四年——六三〇年——正月，李靖進屯惡陽

嶺，夜襲定襄，突利可汗驚擾，因徙牙營於磧口，

大酋薄密等，以隋蕭后及楊正道送於唐，突利可汗



走保鐵山，李靖襲擊之，盡獲其衆，頡利單騎走，  
沙羅鉢行軍副總管張寶相擒之，復定襄恆安諸地，  
斥境至大漠伊吾，城長素臣於突厥，至是率七城來  
降，因以其地為西伊州——哈密——頡利可汗之亡  
也；部屬四散，或奔薛延陀，或入西域，其降唐者  
尚十有餘萬，因以靈州建順祐化長等四州，屬於幽



州者為都督府，剖頡利可汗故地，左置定襄都督府，右置雲中都督府，以統治之，仍以突利可汗為順州都督，俾領其衆。初：頡利之立也，以次第為延陀部長，以步利為契丹靺鞨部長——滿洲北部——而東部之民皆屬之，後以突利可汗，斂取無度，遂叛突厥而歸唐，唐乃以突利可汗為都督，及入朝，



卒於道，子賀邏鶻嗣，以突利可汗之弟結社為郎將

，入宿衛。十三年——六三九年——九月，唐帝幸

成宮，結社從之，欲陰結部落以害唐帝，且煽誘賀

邏鶻，相与夜犯唐帝營，孫武率兵奮擊而禦之，奪

皆斬之，流賀邏鶻於嶺外，由是羣臣上言；不可以

突厥處中國，乃立史阿那思摩為乙弥泥熟俟利可汗



，賜姓李，樹牙營於黃河以北，悉徙突厥，俾還故

地，而以思摩統轄頡利可汗所部，居於河南，自是

沙漠以北，薛延陀主之，沙漠以南，突厥保之，其

地以黃河為南白道——在歸化城之北——為北，三

年復率衆入內地，南渡黃河，分處於勝夏二州，車

鼻遂據有其地。車鼻者：亦阿史那之族也，世為小



可汗，頡利可汗之敗也，諸部欲戴為君長，會薛延陀稱可汗，乃往歸之，其為人也，沈毅有智術，頗為眾所附，薛延陀忌而欲殺之，車鼻乃率所部遁去，窟居金山——阿爾泰山——之北，其地三面徒絕，僅一面可容車騎，謂要害可守，且饒沃，豐水草，遂據而有之。勝兵三百萬，自稱為乙注車鼻可汗。



，西有葛邏祿——唐努烏梁海之地——北有結骨，

皆服屬惟謹。二十一年——六四七年——車鼻可汗

遣其子沙鉢羅特勒貢方物於唐，且請入朝，即徵之

，竟不至，唐帝大怒，遣右驍衛郎將高悌使回紇，

令僕骨發兵擊之，兵次阿息山，部衆不肯戰，車鼻

可汗攜愛妾從數百騎遁去，追至金山獲之，送京師



，處其餘衆於鬱軍都山，就狼山建都督府，以統轄  
之，車鼻可汗遂降唐，唐拜為左屯衛將軍，建新黎  
州，俾領其衆，突厥自是盡屬於唐，始置單于都護  
府，以狼山雲中——胡坦和碩之地——桑乾——山  
西省——三都督，領有蘇農等二十四州，置瀚海都  
護府，以金微等七——後貝加爾州色楞格河之右岸



——都督，領仙萼——後貝加爾州色楞格河之左岸

——賀蘭等八州——賀蘭山——所設都督刺史等官

各選酋長任之，使治其部衆。唐麟德初，改燕然都

護府——俄領伊爾庫斯克——為瀚海都護府，領回

紇部，故徙瀚海都護府於雲中古城——胡坦和碩之

地——号雲中都護府，沙漠以北各州，悉隸於瀚海



都護府，沙漠以南，隸於雲中都護府，後改雲中為  
單于大都護府，自永徽建元後三十年間，北方久無  
戎馬之警，邊塞亦安寧！至調露初，單于府大酋，  
為溫傳二部落，酋長謀反，立阿史那泥熟匄為可汗  
，二十四州皆響應之，唐出兵聲討，互有勝敗，厥  
後大破之於黑山——鄂爾多斯左翼前旗之東南——



其部衆斬泥熟旬來降，遂擒溫傳以歸，餘衆保狼山者尚逆命，永隆中，溫傳部下，迎又頡利之子伏念於憂州，——陝西榆林府之地——北渡河，立為可汗，諸部響應，單于府大騷動，唐帝復命斐行儉討之，行儉築壁壘於代之陁口，遂縱反間，因而襲擊，大破其衆，伏念留輜重妻子，保於金牙山，行儉慮



伏念歸，送京師，斬之於東市。永淳元年——六八

二年——骨咄祿又反：骨咄祿者，頡利之疏族也，

伏念之敗也，骨咄祿亡竄，其部下唃聚於總材山——

——鄂尔多斯古翼前旗之東南——又治黑沙城，有兵

五千，勢稍强大；乃自立為可汗，以弟默覲為沙——

——官名——咄悉訶為葉護——官名——時：檢校單



于府之降戶部落阿史德元珍者，為長史王本立所囚

，會骨咄祿來寇

元珍請諭骨咄祿還，以贖己罪，

許之，元珍反與骨咄祿通謀，悉收兵馬之權，屢寇

單于府北邊，又南犯朔州代郡等地，掠吏士，奪財

貨，右鷹揚衛大將軍黑齒常與戰於黃化堆，大破之

，追奔四十餘里，遂遁磧北。天授初，骨咄祿死，



其弟默啜自立為可汗，時契丹酋長李盡忠等反默啜，請擊之以自効，及契丹酋長敗死，盡獲其家口而還，武后嘉之，冊為特進靺鞨利施大單于立功報國

可汗。初：咸亨中，突厥之屬唐者，分屬於豐勝靈

夏朔代等處——山陝二省之邊地及內蒙古鄂爾多斯

等地——稱之曰河曲六州降戶；至是默啜索此降戶



，且以粟種十萬斛；農器三千具，鐵數萬斤為請，  
武后初不之許，嗣以姚璿等建議……因而許之！

乃予以降人數千；及帳粟器具等，默啜由此寢強，

自將十萬騎南犯；破蔚州，陷飛狐，——直隸省地——

——居定州，——直隸省地——  
——尋圍趙州，——直隸省地——

——進攻相州，——直隸省地——  
——邊境騷然。武后以



皇太子為行軍大元帥；狄仁傑副之，帥師北討，默  
啜聞，掠趙定二州男女八九萬人，悉坑之，出五回  
道而去。是時默啜兵馬之強，畧與頡利可汗等，領  
地亦縱橫亘數千里，諸番悉聽命焉，無何：立其弟  
吐悉訶為左廂察，——官名——骨咄祿之子默矩為廂  
察，——官名——使各統兵二萬，而以子訶俱為小可



汗，位在兩察之上，連年犯邊不絕。景龍二年——

七〇八年——張仁愿建策……築東西中三受降城於

河套以北，——在歸化城土默特之地——首尾相應，

絕彼南寇之路，自是突厥不敢度陰山，朔方名寇警

者垂數十年。是時默啜西滅婆葛，役屬契丹及奚，

其勢甚熾，然以虐用其下之故，部落漸叛去，左吐



陸五姓，右弩矢畢侯斤五姓，先後請降於唐，而葛

邏祿胡屋鼠尼施三姓，与大漠都督特進朱斯；陰山

都督部落囿雞，元池都督蹋實力胡鼻等，亦率衆內

附，因處其衆於金山，任右羽林大將軍薛訥為涼州

鎮軍大總管，節度赤水建康河源等軍，駐屯涼州，

任右衛大將軍郭虔瓘為朔州鎮軍大總管，節度河戎



大武并州等軍，駐屯并州，以固邊塞，其西北諸部

如高麗莫離支

——官名——

高文簡；

跌跌都督思太

，吐谷渾大酋慕容道奴等，亦合部落萬餘戶，相踵

款關降，盡納之河南。當此之時：默啜討九姓，不

利，師敗磧北，因是思結等部亦同時服屬於唐，其

後默啜又北討拔曳固，戰於獨樂河——土拉河——



拔曳固大敗，默啜輕之不設備，師過大林中，拔曳固潰卒突起要擊，遂斬之，傳首唐都，時首吐祿之子闕特勒合其故部攻殺小可汗，立其兄默棘連，是為毗伽可汗，突騎施蘇祿亦自立為可汗，以突厥部眾附之者少，乃招默啜之臣燉欲谷為謀主。初：默啜之死也；闕特勒盡殺其用事諸臣，唯燉欲谷以其



女為默棘連之妻，獨得免，俄而降戶婁跌思太等自

河曲叛唐而歸突厥，開元八年——七二〇年——朔

方道大總管王峻以奚契丹已降唐，奏請：令拔悉密

都波里斯克之北——及奚契丹兩部出兵，以明

年秋為期，与朔方兵會合於稽落水，襲其牙營，默

棘連大恐，燉欲各曰；拔悉密今在北庭，与奚契丹



東西相去極遠，勢必不合，王暖兵馬亦必不能來，  
藉能來，我當於三日前悉衆北徙，彼當以糧竭自去，  
而拔悉密以好利輕卒，必先至，擊之可敗。拔悉  
密果先引衆逼突厥牙營，及知王暖等不至，乃引退，  
突厥欲擊之，燉欲谷曰：「此衆棄家遠來，擊之必  
死戰，不如追躡之，北庭距此二百里。」燉欲谷乃從。



間道分兵先掩北庭，因縱擊拔悉密之衆，悉擒之，

還：出赤亭，掠涼州，突厥遂大振，盡有默啜餘衆

• 明年，乞和於唐，是時吐蕃——吐魯番之地——

以書約突厥共掠邊，默棘連送其書於唐，唐帝嘉之

許於西受降城互市。二十二年——七三四年——

默棘連為其臣梅祿啜所毒害，旋殺梅祿啜，夷其種



屬乃卒，子伊然可汗嗣，八年而卒，子登利可汗年  
幼，其母婆預政，頗有醜聲，諸部不服從，左右  
沙——官名——者，登利之從父也，既分掌東西兵  
，士之精銳者皆屬之，勢稍振，登利可汗與其母謀  
誘斬西沙——官名——而奪其兵，左沙官判喇特勒  
懼，勒兵攻登利，殺之，復立毗伽可汗之子俄俄為



骨咄葉護所殺，立其弟，又殺之，葉護乃自立為可

汗。天寶初；其大部回纥葛邏祿拔悉密等並起而

攻葉護，殺之，國人奉判瀚特勒之子，尊為烏蘇米

施可汗，拔悉密等三部，又共攻之，殺烏蘇米施，

立其弟白眉特勒隴匄，是為白眉可汗。於是突厥

大亂，國人推拔悉密之首長為可汗，唐乘其亂，命



朔方節度使王忠嗣率兵討之，兵抵薩河內山，擊其  
左阿波連干等十一州，皆破之，獨其右未下，而回  
紇葛邏祿拔悉密等部，並起而殺可汗，回紇因奉骨  
力斐邏以定其國，毗伽可汗之妻婆訶及骨咄祿之妻  
，乃率眾來歸。突厥始建国於後魏大統時；至是遂  
滅，其地盡入回紇。



第五章 回纥

回纥之先，出于匈奴，元魏時，号高車部，盖俗多乘高輪車，故有是名，或曰敕勒，又訛為饒勒，其

實一也。其部落十有五；延纥，薛延陀，契苾，羽

都播，骨利幹，多覽，葛僕骨，拔野古，回羅，渾

思，結斛，薛奚，結阿，跌跌，白霄等，皆散處沙



漢以北。袁紇部亦稱烏護，或曰烏統，至隋曰韋紇，部人驍勇，初名酋長，逐水草轉徙，善騎射，喜抄掠，素臣服於突厥。蓋突厥之雄視漢北也；皆賴其財力以濟，隋大業中：突厥處羅可汗，攻饒勒，大掠其財，既而又恐其報怨，則集其豪族數百人，悉坑之。韋紇乃併僕骨同羅拔古野三部，叛而自立。



，國号曰回纥，以藥羅葛氏為姓，居薛延陀之北邊

陵水上，部衆十萬，勝兵半之，土地不饒，牲畜饒

足，時有健俟斤者，衆始推之為首長，其子菩薩，

智勇而有謀畧，嗜射獵，戰必身先士卒，所向輒披

靡，故部下皆畏而附之，遂為其父健俟斤所逐。健

俟斤死；部人以菩薩為賢，立之，其母曰烏羅渾，



性彘明而能決部事，回紇由是寢威，與薛延陀合攻突厥之北，突厥頡利可汗，遣欲谷設領義騎迎戰，菩薩以五千人，破之於馬鬣山。追北至天山，俘其部衆，威震北方，乃與薛延陀結脣齒交，号洛頡利峇，建牙獨樂水上。自突厥之衰也；惟回紇與薛延陀相為雄長，菩薩死，其酋長胡祿俟利合發吐迷度



諸部而自稱可汗，攻薛延陀，南至賀蘭山。唐貞觀

二十一年——六四七年——遣使請內附，乃更其各

部落名稱；以回紇部為瀚海，多覽菑部為燕然，僕

骨部為金微，拔野古部為幽陵，同羅部為龜林，思

結部為廬山，皆另都督府，以渾思結部為皋蘭州，

斛薛部為高瀾州，阿跌部為雞田州，契苾羽部為榆



溪州，奚結部為雞鹿州，思結部為蹠林州，白霄部

為寘顏州，其西北結骨部為堅昆府，北骨利幹部為

玄闡州，東北俱羅勃部為燭龍州，皆以其酋長為都

督刺史長史司馬等官，復置單于臺於燕然都護府，

俾統轄之六郡皆七州，胥隸屬焉。龍朔三年——六

六三年——移回纥部落於燕然都護府，俾領回纥，



改号为瀚海都護府，以沙漠為界，自沙漠以北諸蕃

皆隸之，武后時；突厥默啜可汗強盛，畧取饒勒部

故地回纥契苾思渾思結三部，以故渡沙漠入內地移

住甘涼二州間，然唐常以其壯騎，俾佐赤水軍云。

天寶初；裴羅助拔悉密擊走烏蘇可汗，三年——七

四四年——襲破拔悉密，南据突厥故地，移牙帳於



烏德韃山與昆河——烏德韃山者杭愛山之支脈昆河

者鄂爾渾河即和林之地——間，其地南距西城千七

百里，西城為漢之高閼塞，北盡磧口，悉有藥羅葛

；胡咄葛，囉羅勿，貊歌息，訖阿勿，噶葛，薩斛

，嗚素藥勿，萬奚邪勿等九姓之地，而僕骨渾；拔

野古，同羅，思結，契苾諸部，不列於此數。其後



併有悉密葛邏祿二部，都為十一姓，並置都督，

考為十一部落，自是每有戰役，輒以拔悉密葛邏祿

二部為先鋒。天寶四年——七四五年——攻殺突厥

白眉可汗，於是拓地愈廣，東西室韋，西迄金山，

南控大漠，古匈奴地，盡入版圖。至德初，嘗出兵

助唐，平安史之亂，故恩禮有加，然恃功驕恣，誅



求無厭，唐羈縻之，弗能制。其後改号回鶻，會昌  
間，國大亂，為憂黠斯所攻，其相馭職龐特勒率十  
五部，奔附葛邏祿，餘衆分徙吐蕃及安西等處，部  
衆因推烏介特勒為可汗，南保錯子山，既而為張仲  
武所破，龐特勒自立為可汗，据甘州，沙漠以西諸  
城悉有之，然強盛異於曩昔已。



第六章 蒙古之建國

蒙古名號：不詳其所由起，按之舊說，女真欲抗遼

，稱其國號曰金，蒙古欲抗金，改其國號曰蒙古，

蒙古者，銀之義也，此說近於名稽，蓋蒙古本沙漠

極北之小部落，名初不甚著，至唐始見於史乘，号

稱蒙古——鄂嫩河之源肯特山之東車臣汗部之地——



——又曰蒙骨斯，然猶未盛也，其地遠距沙漠，素不通中國，於歷史上語焉不詳，故其建國年代及部落位置等，不能詳為記載，夷攷其世次，則遠在女真未建國以前，由此觀之，則以欲抗金而建号曰蒙古者，其說固屬子虛也。其自五代時通中國後，名始漸著，至遼大安初，部落乃益強。初：蒙古以部落



分散，不相統屬，國微弱，世世修貢於遼金，至也

速該始併吞諸部，混合為一，當其盛時，常游牧於

黑龍江及長城之間，然猶臣服金國，未完全獨立，

是為元之始祖。也速該歿；其子鐵木真嗣，深沈有

大畧，自其年少為酋長，能繼父志以統馭所部。居

恆喜田獵，諳地勢，又教士卒以束伍練技之法，精



習騎射，明号令，嚴約束，圖以兵力雄長諸部，諸部終以年幼侮之，十九歸附他部，所服屬未去者，僅勲舊子孫而已。時：鄰部泰赤烏号最强，鑊木真与構兵，戰敗而遁，往依和林酋長，酋長以女妻之，使统所部兵，既而忌其勇，欲去之，鑊木真惧而遁歸，率兵入和林，破之，和林之衆，遂推為汗。



方是時：兵不過萬人，而方正寬大以博愛於眾，厚賞有功負盛名，附者益多，兵勢益振。鄰近諸部，

曰克烈，曰蔑里乞，曰乃蠻，曰札木合，曰泰赤烏

，曰韃靼，而以克烈韃靼乃蠻三部為最強。亦以三

部通蒙古為最近。克烈居其南，韃靼處其北，乃蠻

迤其西，鍊木真踣踏其中，四面受敵，乃先征服泰



赤烏，復助金破韃靼，養蓄精銳，陰懷異志，金人不之疑，合克烈酋長汪汗，為其弟所逐，流寓他部，鑄木真憐而送之歸，為復汗位。宋慶元二年——

一一九六年——與汪汗盟，合兵襲破蔑里乞，六年

——一二〇〇年——乘乃密內亂，討之。鑄木真之

每戰必勝也；諸部怨望，咸欲約縱制之，鑄木真先



發，大破其衆，縱謀以解，諸部先後臣服，於是威  
權益振，長城以外，盡屬版圖已。宋嘉泰二年——

一二〇二年——嘗大敗韃靼兵，奪獲無算，乃蜜衛

拉特，懼；而与韃靼盟，欲戮力以襲鑊木真，鑊木

真敗之。鑊木真故与克列酋長汪汗有隙，自將往討

，又大敗克烈。乃蜜酋長太陽汗，慮鑊木真乘戰勝